



KEMENTERIAN WILAYAH PERSEKUTUAN

**TEKS UCAPAN
Y.B. DATUK SERI UTAMA TENGGU ADNAN TENGGU MANSOR
MENTERI WILAYAH PERSEKUTUAN**

**SEMPENA
MAJLIS PERASMIAN PEMBUKAAN JALAN DAN JAMBATAN YANG
MENGHUBUNGKAN KAMPUNG BATU MUDA KE
TAMAN METROPOLITAN BATU, KUALA LUMPUR.**

**22 FEBRUARI 2016 (ISNIN), 10.30 PAGI
JAMBATAN DI TAMAN METROPOLITAN BATU**

BISMILLAH RAHMANIR RAHIM

Terima Kasih Saudara Pengacara Majlis,

YB Datuk Dr. Loga Bala Mohan,
Timbalan Menteri Wilayah Persekutuan

Y.Bhg. Datuk Seri Adnan bin Hj. Md. Ikshan,
Ketua Setiausaha, Kementerian Wilayah Persekutuan

YBhg. Datuk Seri Hj. Mohd. Amin Nordin Bin Abd. Aziz,
Datuk Bandar Kuala Lumpur

**Pengurusan Tertinggi Dan Pegawai Kanan Kementerian Wilayah
Persekutuan dan DBKL,**

Wakil-Wakil Komuniti Dan Ketua-Ketua Persatuan Penduduk,

Rakan-rakan media,

Dif - Dif Jemputan, Datuk-Datuk, Tuan-Tuan dan Puan-Puan yang saya hormati sekalian.

Assalamualaikum Warahmatullahi Wabarakatuh, Salam Sejahtera dan Salam 1Malaysia.

1. Pertamanya saya ingin memanjatkan setinggi-tinggi kesyukuran ke hadrat Allah S.W.T., kerana dengan izin dan rahmatNya kita dapat bersama-sama hadir di majlis pada hari ini.
2. Alhamdulillah, dengan penuh kesyukuran akhirnya projek membina jalan dan jambatan yang menghubungkan Kampung Batu Muda Ke Taman Metropolitan Batu, Kuala Lumpur, telah dapat disiapkan.
3. Atas kesabaran semua pihak, satu lagi kemudahan yang memberi manfaat kepada rakyat, amnya kepada penduduk Ibu Kota dan khasnya kepada penduduk Kampung Batu Muda dan kawasan sekitarnya, telah berjaya di siapkan oleh Kerajaan. Ini selaras dengan gagasan Satu Malaysia, Rakyat Didahulukan, Pencapaian Diutamakan yang diilhamkan oleh YAB Perdana Menteri, Dato' Seri Mohd Najib Tun Razak.

Tuan-tuan dan Puan-puan yang dihormati sekalian,

4. Sebelum ini penduduk di sekitar Taman Batu Muda terpaksa menggunakan Jalan Kuching untuk sampai ke Taman Metropolitan Batu. Ini menyebabkan mereka terpaksa mengharungi kesesakan dan melibatkan masa yang lebih panjang untuk sampai ke Taman

Metropolitan Batu, walaupun lokasinya hanya bersebelahan namun dipisahkan oleh Sungai Batu.

5. Oleh itu, satu inisiatif kerajaan telahpun dilaksanakan untuk mengurangkan jarak perjalanan dan masa perjalanan pengguna yang ingin ke Taman Metropolitan Batu ini dengan membina jambatan yang merentasi sungai ini.
6. Dengan adanya aksesibiliti secara terus (Direct access) ke Taman ini, kita mengharapkan ianya dapat memudahkan pengguna dari Taman Batu Muda termasuk PPR Batu Muda serta penduduk-penduduk di sekitarnya.

Tuan-tuan dan puan-puan yang dihormati sekalian,

7. Terima kasih saya ucapkan kepada pihak kontraktor Tetuan Titisan Ilham Sdn. Bhd yang telah dapat melaksanakan tanggungjawab dengan baik serta komitmen yang begitu tinggi sehingga berjaya menyiapkan projek ini pada masa yang ditetapkan.
8. Semoga kejayaan ini akan dijadikan contoh kepada kontraktor-kontraktor yang lain.
9. Ucapan terima kasih juga ditujukan kepada Jabatan Pengairan Dan Saliran Malaysia yang telah memberi kerjasama yang baik demi melancarkan kerja-kerja semasa projek dalam tempoh pembinaan.

10. Untuk makluman semua, projek ini telah bermula pada 4 September 2014 dan siap pada 20 Januari 2016 selama 72 minggu.
11. Skop kerja projek ini adalah seperti berikut:-
 - a) Menaiktaraf Jalan 1/18D, taman Tasik Indah sehingga ke jambatan baru kepada laluan 4 lorong 2 hala sepanjang 750m.
 - b) Membina jambatan 2 Lorong 2 hala merentasi Sg. Batu sepanjang 50m.
 - c) Menaiktaraf jalan dengan laluan 2 Lorong 2 Hala dari jambatan baru ke Taman Metropolitan Batu sepanjang 250m.
 - d) Menaiktaraf jalan dengan laluan 2 Lorong 2 Hala dari jambatan baru ke Jalan 1/12D sepanjang 350mm.
 - e) Menaiktaraf persimpangan berlampu isyarat di antara Jalan 1/12D.
 - f) Membina longkang dan menutup dengan papak konkrit.
 - g) Memasang bebendul jalan serta perabot jalan yang berkaitan di sepanjang jalan.
 - h) Memasang lampu jalan jenis 400watt HPSV (Single Arm).
 - i) Kerja-kerja Lanskap.
12. Kini ianya telah siap dan dapat dimanfaatkan oleh semua pengguna jalanraya.

Tuan-tuan dan puan-puan yang dihormati sekalian,

13. Semoga komitmen kerajaan untuk meningkatkan taraf sistem trafik dan pembangunan kemudahan lalulintas ini akan dihargai sepenuhnya oleh rakyat, khususnya penduduk Ibu Kota.

14. Komitmen ini adalah sejajar dengan matlamat kerajaan Barisan Nasional untuk menjadikan Kuala Lumpur antara bandaraya yang terbaik dari segi jaringan lalulintasnya selain mampu memenuhi keperluan serta aspirasi rakyat seperti terbuhtinya hari ini.

15. **Akhir kata, dengan penuh kesyukuran dan lafaz Bismillahirrahmannirrahim, saya dengan sukacitanya merasmikan penggunaan jalan dan jambatan ini untuk dibuka kepada lalulintas.**

16. Sekian, Wabillahi Taufik walhidayah Wassalamualaikum W.B. Terima kasih.